

егемен

Архитектур

Құранмен бірге сақталған Жамбылдың кітабы

Жамбыл – ғасырлық ғұмырымында арыны басылмagan алып жырышы, шұрайлы жырдан өшпес мұра қалдырган дүлдүл ақын. Ол өзінен кейінгі әр үрпақтың атбасын арнайы бұрын, шөліркегенде тұнық жырларынан сусындар тұма бұлағы!

Нұрсұлтан НАЗАРБАЕВ,
Казақстан Республикасының Президенті

Көнілді мұң basар сәттер әлі де аз емес. Сол сәтте әлдебір ауыр ойлардың жан дүниемді сары аяз болып қаритыны да бар. Болған да толған дүниенің солғаны мен төгілгенін де бір басынан өткізіп, замананың аңы запыранын татқан киелі бір шаңырақтың босағасына ие болып, атадан қалған жалқы тұяқты мен үшін өмірдің теренін тартар сыры да жетерлік әлі. Кешегі кеңестік кезеңдегі кәмпескеден қашып, «Сибкрайға», яғни Сібірге бір түнде өтіп кетіп, жан сауғалаған да, одан кейінгі «халық жауы» ретінде түрменің азабын тартқан да, одан кейінгі Ұлы Отан соғысында төрт бірдей арысынан хабар-ошарсыз айырылған да, иә... одан кейін біздің шаңырақта енді соттатып, енді айдататын ерек кіндікті қалмаған соң менің сорлы анама да «он келі қара бидай ұрлады» деген көрсетінді жаламен он жылды кесіп те берген кезеңдердің салқыны ұрады жанымды.

Міне, тарихтың осындағы бір қылыш-қылыш кезеңдерінің қиямет қайшысымен біздің әулеттің де тағдырының қылышып түскен кездері аз болған жоқ. Сондағы бар тағылған айып – қажы-молланың ұрпағы болғандығымыз еді. Менің өз атам Жұмжұма молланың туған ағасы Бабаназар қажы кезінде Наурызбай Таласұлы, кәдімгі Науан Хазіретпен бірге мұсылман діні үшін құрескендердің бірі екендігін тарих жоққа шығармайды. Әсіресе, Көкшетау өнірінің мұсылмандарын шоқындыру басталып, Көкшетау дуанындағы мұсылман мешітіндегі медресені жауып, діни рәсімдерге тыйым салынған тұста Көкшетау өнірінің сол кездегі бас көтерген дін басылары мен зиялыштарының арасында Бабаназар қажы Жаңабатырұлы да жүрген еді. Патшаның жарлығымен Науан Хазірет жарықтық Сібірге жер аударылған қыын-қыстау кезеңдерде ақ патшага дейін барып арызданып, одан кейін «итжеккенге» айдалып кеткен Наурызбай Таласұлының соңынан іздел барып алыш келген де Жанбатыр Бабаназарұлы мен Бабаназар Жаңабатырұлы сияқты сөзге шешен, от ауызды, орақ тілді осы бір ділмар қажылар болатын. Үл жайында белгілі жазушы Сарбас Ақтаев «Науан Хазірет» атты көлемді еңбегінде дәлелді жазып көрсеткенді.

Және де 1903 жылдың 9 қарашасы күні Дағы Генерал-губернаторының кеңесіне түсіп, тіркелген мына бір анықтама Омбы мемлекеттік архивінен табылып отыр. Үл анықтама, тарихи құжат менің атам Бабаназар қажының еліміз бен дініміздің шынайы жанашыры болғандығын көрсеткендей.

Дала Генерал-губернаторының кеңесіне түскен бұл құжат мына жағдайды баяндайды. «Анықтама. Ақмола облысының әскери губернаторы жанындағы аса маңызды істері жөніндегі шенеунігі Яхонтовтың түсініктемесі бойынша мұсылман үгіті жөніндегі істің менгерушісі Генерал-Майор Романов жергілікті әкімшіліктің өкімімен жабылған медресені ашу және Сібірге жер аударылған молла Таласовтың басына азаттық беру жөніндегі қырғыздар Бабаназар Жаңабатырұлы, Әбутәліп Бакизин және басқалардың өтініштерін аса мәртебелі Сіздің құзырыңызға жеткіземін». Бұл құжатта Дала Генерал-губернаторы кеңесі менгерушісінің және аға іс жүргізушиңің қолдары бар (бұл құжаттың көшірмесі қолымда сактаулы, орысшадан аударылып беріліп отыр. Ескерту – автордікі).

– Науан хазірет ақталыпты, Жанбатыр мен Бабаназар істі бұзғызыпты, – деген әңгімені ел естіп, бүкіл Атығай, Қарауыл болып дуан орталығы – Көкшетауға күні бұрын жиналып, алысқа сапар шегіп кеткен қадірлілерін тілеквестікпен қарсы алған топтың алдына Шерияздан қажы шығып:



Жанбатыр, Бабаназар екі жүйрік,
Суарған суат көлден екі сүйрік.
Алланың берген бұл да бағы шығар,
Көтердің іслем дінін екі жүйрік, – деп құттықтап, өлеңмен қарсы алған екен.
Міне, мұның өзі Сібірге жер аударылған Науан хазіретті Жанбатыр
мен Бабаназар қажылардың қиямет сапардан алып келгендігін дәлелдеп
тұрғандай.

Міне, Науан хазіреттің ісін бұзғызамын деп Санкт-Петербургтегі
ақ патшаның алдына барып, сол сапарында орыс патшасынан сыйлыққа
оқалы шапан, алтын сағат алып қайтқан атам Бабаназардың осы бір әрекеті
жаңадан орнаған кеңес өкіметіне жақпаған-ды. Біздің әулеттің
құғын-сүргінге түсуінің және де елуінші жылдардағы «хрущевтік жылымық»
орнағанына дейін сенімсіз «элементтердің» бірі болғандығымыздың басты

әліпбі орыс патшасының атама сыйлаған оқалы шапаны мен алтын сағатынан басталғанды.

– Бір тұнде соятын малды сойып, етін қақтап, жолға азық дайындастық та, дүние-мұлікті жерге көміп, біраз малды Тайыншаның базарына айдан апарып саттық та, Қызылжар вокзалына барып, пойызға отырдық та, елден қашып кеттік қой, – деп әкем күрсініп отыратын. Бертін ес жия келе сол жер астына көміліп, жасырылған дені Құран кітаптары екендігін білдім. Немере ағам Айтмұхамбеттің жуырда бір айтқан әңгімесінде, біраз Құран кітаптары біздің ата-бабамыздың ескі қорымына көмілген екен. Соларды тапқым да келгені бар. Жер астындағы затты анықтайтын құрал болады деген соң, солардың мамандарымен де пікірлесіп едім, білетіндер «ол құрал қағазды анықтай алмайды» дегенді айтты.

Алайда, менің қолымда сол ата мұрасының бірер дүниесінің сақтаулы тұрғаны да көңіліме медет осы күндері. Бала кезімде біздің үйдің шошаласында ескі бір сандық елеусіз болып жататын-ды. Сол ескі сандықты үйленіп, үй болғаннан кейін әкем «мынаны қалаңа алып кетіп, үйінде сақта, қолыңнан шығарушы болма» дегені де бар. Өзі бір Құранды алып қалды да, сандықты ішіндегі қалған бар дүниесімен Көкшетауға алып кеттім.

Содан бері сол дүниелер менің қолымда.

Атадан маған бұйырған сол сандықтың ішінде тозығы жеткен көптеген діни кітап, Құрандармен бірге 1938 жылы Қазақстан көркем әдебиет баспасынан латын қарпімен басылып шыққан Жамбыл Жабаевтың өлеңдері мен жырларының қызыл түсті кітабы да бар еді. Және де сол латын қаріптерімен басылған, әбден тозуға айналған «Ер Тарғын», «Қобыланды батыр», «Алпамыс батыр», «Шора батыр», «Қамбар батыр» жырлары топтастырылған бір кітап та көнеден жетіп отыр.

Жамбыл Жабаевтың ақындығына жетпіс бес жыл толуына арналып 1938 жылы шығарылған бұл кітап та маған аталарымның құғынды-сүргінді, қорқып-үркіп өмір сүрген кезеңдерінде қасиетті Құран кітаптарымен бірге сақталып бүгінге жеткені көңілімнің ойран-асырын шығарса да, шүкіршілікке бой алдырамын.

Ең әуелі елімнің Тәуелсіз ел болғандығына мың да бір шүкір қыламын! Тәуелсіз елім болмаса, отыз сегізінші жылы ұсталып, «жатырмын Қызылжардың түрмесінде, адамның басына мұны бермесін де» деп жан наласын жырымен айтып кеткен әкемнің туған інісі Нәбигалидің қасіретін айта алар ма едім?!

Өткен ғасырдың жетпісінші жылдары Бабаназар қажының бел баласы, әкемнің ағасы Ғабдылхамит біздің ауылда жалғыз өзі ғана намаз оқып, ораза ұстаған және де әр жұма сайын автобусқа отырып, Көкшетаудағы жалғыз мешітке келіп жұма намазына да қатысатын еді де, намаздан кейін біздің пәтерімізге келетін еді жарықтық. Қона жататын кездері де болатын. Сондай сэтте атамнан елден, әркімнен естіген «біз неге құғындалдық, менің

анамды кім және неге сottатты?» деген сұрақтардың астына да алатын кездерім болатын. Зиялыш карт ойланып, үнсіз отыратын да:

– Қайтесің, шырағым, өткен заман өтті де, кетті ғой, ескі әңгімені бәрібір сендер енді айта да алмайсындар, жаза да алмайсындар. Оны айтқызбайды да! Не көрсек те бәрін біз көрдік қой. Біздің өткеніміз енді сендердің бастарыңа пәле болып жабысып жүрмесін, – деп көп жайды бізге айтпай да кетті. Қажы ұрпақтарының мекенденеп отырған жерлерінен қуылуы, мал-мұліктірінің талан-таражға түсіү бар, одан қалды «бай балалары» деп көзге түрткі болуын карт өзі өлгенге дейін ұмыта алмағандай еді. Енді сол қуғын-сүргінді кейінгі ұрпақтары біздер көрмese деп көп жайды айтпағаны есті қарттың біздің болашағымызды ойлағаны да, сақтандырғаны да болар. Сол бір ауыр ойдың үстінде отырған атам әлден уақытта үстел үстінде тұрған бос шай кесені қолына алды да:

– Мына бос кесеге суды құя берсең ол толады ғой, толған соң төгіледі ғой, шырағым! Біз де кезінде болғанбыз, толғанбыз, сонан соң төгілгенбіз! Енді бір Алладан соның қайырын сұра! – дегенді айтып, бұк түсіп жатып алғанды.

Атамның осы бір ауыз сөзі менің жан дүниемнің ойран-асырын шығарды. Сонан бері сөзге шешен, дуалы ауызды, діндар атамның осы бір ауыз сөзі қиналған сәттерімде сана түпкірінен әрдайым үн қатып тұратыны да бар. Тәуелсіз елім болмаса, бір кездері намаз оқуларының өзі қауіп пен қатер болған зар дүниенің азабын тартқан ата-баба әuletінің азапты ғұмырларының өшіп бара жатқан шамшырақтарын қайыра жағып, 2014 жылы сол ата баба мекенінде жаңа мешіт салар ма едім?! Бір Алланың разылдығы үшін мешіт салдым! Бұл менің ұзақ жылғы ойымнан кетпей жүрген жай еді. Жаратқан ием сәтін салды! Тәубе!

Менің өз атам Жұмжұма молланың және оның қара шаңырағының қасиеті жайлышты ауылдың тұмасы, кезінде Көкшетау қаласында тұрып, түрлі қызыметтер атқарған Рәш Сәниқызы Қосшығұлова 2002 жылғы 1 қараша күнгі «Көкшетау» газетінде жариялаған өз естелігінде: «Ел ішінде аса қадір тұтып, қастерлеп, босағасын имене аттайтын қасиетті қара шаңырақтар болады. Сондай шаңырақтың бірі де бірегейі – Жұмжұма молланың отбасы еді. Ауылдан әлдекім алыс сапарға шығып, жолға аттанар болса, қайткен күнде тәу етіп, сол кісінің ақ батасын алып, ақ дастарқанынан, дәм татпай кетпеуші еді. Ол сол ма, ауылдағы жаңа туған жас нәрестені дүниеге келе салысымен әуелі сол үйдің құтты шаңырағына апарып, жаратқан Алладан жәрдем тілейтінін көзіміз көрді», – деп жазған болатын.

Міне, мен сол қасиетті шаңырақтан қалған, Жұмжұма молланың бес ұлынан тірі қалған Ерғалидың жалғыз тұяғы едім. Шаңырағы жабылып қала жаздаған бір әuletтің кіндігін жалғап отырғаным тәубе қыламын.

Туған ауылымда мешіт салғанымда ең әуелі сол мешіттің көк күмбезін көтеріп тұрған, әрқайсысының биіктігі үш метрдей болатын төрт бірдей колоннасын, бағана тіреулерді тағдырлары беймәлім, сондарынан ұрпақ та қалмаған, осы күнге дейін тағдырлары да беймәлім әкемнің екі ағасы

Мұқаметқали мен Нұрғали, екі інілері Нәбіғали мен Қинаятқали Жұмжұмаұлдарына арнап, сол төртеуі біздің үйдің қара шаңырағын көтеріп тұрсын, сол өз қара шаңырактарының тілеуін мәңгілік тілеп тұрсын деген ниетпен орнаттым. Әрқайсысының биіктігі он бір метр болатын мешіттің қос мұнарасының біреуін өз аталарым Бабаназар қажы мен екіншісін Жұмжұма молланың құрметтеріне арнадым.

Кеңес өкіметінің біздің әuletке деген әуелгі бір сенімсіздігі мен құдіктеріне енді келіп, төрт бірдей жанның соғыста хабарсыз кетуі келіп қосылды да, мұның соны біздің үйдің тыныс-тіршілігінің ұдайы жасырын бақылауда болуына әкелді. Сондай бір аңдудың салдарынан колхоз егістігінен сұзы ағып тұрған бір шелек қара бидай алғып келген менің анам Үмітжан Үәлиқызы да 1946 жылы он жылға сотталып кете барған еді. Сол 1946 жылмен 1950 жылдар аралығында Сібірдің Красноярск қаласындағы әйелдер колониясындағы ауыр жұмыс пен сұқтандыруға сырқат жабысып, төрт жылдан соң оралған анам мені 1952 жылы дүниеге әкеліп, өзі 1957 жылы небәрі 34 жасында қайтыс болған-ды. Мешіттің диаметрі үш жарым метрден асатын ішкі жағының биіктігі екі жарым метр болатын айшықты көк күмбез ғазиз анам Үмітжан Үәлиқызына қойған ескерткішім болатын.

Тәуелсіз елім болмаса осыны істер ме едім, осыны айттар ма едім?!
Енді келіп, ата-бабамың ғасыр тауқыметін арқалаған арманды қундерінің парақтарындағы болып маған жеткен ескі Құрандар мен Жамбыл ақынның сол Құрандармен бірге сакталып келген бір кітабын қайыра-қайыра ақтарып отыратын кездерім де аз болмайды. Сыр ұққым келеді сол қасиетті дүниелерден. Бірак... тіс жармайды олар маған. Көненің көзіндегі болып көнерген сол дүниелердің көніліме дем беретіні де бар.

Және де Жамбыл бабамың:

Өсиетім: сол үшін құшағынды аш!

Өсиетім: шындықты, адалды сүй,

Ардақтаған халықты, адамды сүй!

Елдің тіккен іргесін игілікке,

Тап бүгінгі бақытты заманды сүй! – деген аталы сөзінің қаяу көңілдің үмітін сөндірмейтін бір құдіретін танимын. Соны танимын да абыз қарттың «Кімде-кім бірлік бұзса, халыққа қас» деген өсиет жырының жолдарын бүгінгі қунге де ұран боларлықтай оймен термелеймін.

Жамбыл бабамыздың сол өсиетін адап орындалап келе жатқан Елбасы Нұрсұлтан Назарбаевтың «Өз халқын сүйетін адам, өз жүртіна жақсылық тілеген кісі өзге халықтарды ашындырмайды, өз ұлтын ешкімге қарсы қоймайды», – деп айтқаны да ұлылардың сөзі де ісі де ұлылықпен ұштасып жататынына иландыра түсері бар.

Жыр алыбы Жамбылдың дәуірі енді туды, енді басталды! Ол – Тәуелсіздік дәуірі! Ол – Елбасы Нұрсұлтан Назарбаевтың ұлы мұраты Ұлы Дала елінің Мәңгілік Ел болу дәуірі! «Сөзімнің ғибрат ал сарасынан» деп ұрпағына өз өсиетін қалдырған жыр бабамыздың:

Ер жігіт ғаріп емес пе,
Белгілі елі болмаса,
Заман ғаріп емес пе,
Әділеттен аттаса,
Халық ғаріп емес пе,
Айтқаны іске аспаса,
Жігіт ғаріп емес пе,

Еңбегі алға баспаса?! – дегені енді туған дәуірдің. Тәуелсіз ел дәуірінің бүгінгі және келер ұрпақтарының санасына сініре ұстар ұлағат сөзі екендігін пайымдар едік. Байыбына баар ұрпақ болсын деніз!

Осы бір оймен тағы да Жамбыл жырларын оқимын. Бүгінгі заманмен үндесер қарт жыраудың үні ғасырлар пернесі болып мына біздерге сыр шертеді, ғасыр көкжиегінен үн қатады.

Ел достығы, татулық, туысқандық,
Ен байлық, зор қуаныш, бақыт тұрмыс.

Зорлық пен зұлымдықтың жоғалғаны,

Жер құліп, дарығаны бақ пен ырыс! – деп ғасыр жасаған абыздың осыдан сол ғасыр бұрын айтқан даналық ойының маңызы қай дәуірде болмасын өз ғибратымен әлі де талай да талай ұрпақтың санасына сыналап ұялай түсеріне сенеміз.

Артықша туған азамат,
Халыққа үлкен бел болар, – деп жыр алыбының өзі айтқанындаі, қазіргі тәуелсіз еліне бел де, ес те болып отырған Тұңғыш Президентіміз Нұрсұлтан Назарбаевтың бүгінгі күні өз еліне айтып жүрген елдік пен ерлік жайлы әр сөзінің Жамбыл Жабаев жырларымен арқауланып, бүгінгі дәуірдің ұлағат сөзіндей болып үндесіп жатқандығын андар едік.

– Біз жаңа Қазақстанды – Ұлы Дағын елін құрдық. Ұлт Жоспарын орындаі отырып, біз өзіміздің Ұлттың Өрлеу Дәуірінің көкжиектерін кеңейтеміз, өзіміз Тәуелсіздік жылдары ішінде қол жеткізген және бізге жаһандық даму берген барлық мүмкіндіктерді пайдаланамыз, – деген Елбасының осы бір ауыз сөзінде «халыққа үлкен бел болар», – деп абыз бабаның өзі айтқанындаі, бүгінгі бір ұрпағы Нұрсұлтан Назарбаевтың «Ұлт Жоспары – қазақстандық арманға бастайтын жол» атты өз мақаласындағы осы бір пайымды пікірінен бір ғасырдың, өткен бір дәуірдің абызы Жамбыл бабамыздың арманды өситетінің жүзеге сәтті асырыла бастағандығына күэдүр боламыз да, шүкіршілік қыламыз.

Жетісу жаққа жолым түсे қалса болды, Жамбыл бабамыздың бай мұрасын бүгінгі күні кеңінен насихаттап және де абыз ақынның бізге мәлім де беймәлім өмірі жайында кесек те тұшымды дүниелер жазып жүрген қазақтың белгілі жазушысы, студенттік досым Нағашыбек Қапалбекұлы:

«Жүр, бабамыздың басына барып қайтайық» деп тұrap болса, былтырғы күз айында Алаштың ардақты азаматы, сенатор Аңсар Мұсахановтың тағы да Жамбыл мен Сүйінбай бабаларымыздың кесенелеріне алып барғаны болды. Сол әр барған сапарым сайын айырықша бір толғаныста боламын.

Ұлы бабалар рухымен үнсіз сырласқандай және де жан баласына айта алмаған, әлі де айта бермейтін ойларыммен бөліскендей күй кешемін. Жыр алыбы Жамбылдың дәуірі енді туды, енді басталды!..
Бұл – біздің дәуір, Тәуелсіз ел дәуірі!

Жабал ЕРГАЛИЕВ
жазушы, Қазақстанның еңбек сіңірген қайраткері
Парламент Сенатының депутаты